

DEALBH-OBRACH & PACA-IARRTAIS-OBRACH



Dreuchd	Oifigear Conaltraidh Corporra
Cunntachail gu	Stiùiriche Ro-innleachd & Chùisean Taoibh A-Muigh
Stèidhichte	Steòrnabhagh
Deit dùnaidh airson tagraidhean	Dihaoine 8 Giblean 2022, 12f
Agallamhan	Dimàirt 19 Giblean 2022 – oifis Steòrnabhaigh

22 Màrt 2022

A thagraiche chòir

IARRTAS OBRACH – OIFIGEAR CONALTRaidH CORPORRA

Taig airson d' ùidh san dreuchd airson Oifigear Conaltraidh Corporra.

Tha sinn a' sireadh neach a tha eòlach air margaidheachd no tachartasan, le eòlas sònraichte ann an conaltradh, agus stiùireadh phròiseactan, ag obair le tachartasan agus com-pàirtichean taobh a-muigh. Tha sinn a' sireadh thagraichean le sealladh deimhinneach obrach, sàr sgilean conaltraidh agus eadar-phearsanta agus aig a bheil ùidh ann a bhith ag obair agus ag ionnsachadh mun roinn craolaidh. Tha eòlas air a bhith ag obair anns an roinn craolaidh na bhuannachd, ach chan eil e riatanach. Tha comas sgrìobhaidh teachdaireachdan sa Ghàidhlig riatanach.

Tha e a' toirt toileachas dhuinn am paca-iarrtais-obrach a chur an cois seo.

Gus tagradh a chur a-steach, cuir thugainn litir-chòmhdachaidh agus an CV agad le iomradh air do sgilean, eòlas agus comasan, a' cur aire shònraichte air an Sònrachas Obrach. Bu mhath leinn cluinntinn mu do chomasan agus eòlas bhon dà chuid obraichean pàighte agus saor-thoileach. Ma tha thu ag iarraidh còmhraidh neo-fhoirmeil mun obair agus mun chothrom, cuir fios gu Claire NicLeòid, Comhairliche HR, air hr@mgalba.com agus cuiridh sinn air dòigh àm freagarrach airson còmhraidh.

Bu chòir dhut do thagraidh a chur a-steach ro **12f Dihaoine 8 Giblean 2022** gu hr@mgalba.com. Cha tèid beachdachadh air tagraidhean a thèid an cur a-steach an dèidh seo.

Thèid agallamhan a chumail Dimàirt 19 Giblean 2022.

Le dùrachd



Dòmhnall Caimbeul
ÀRD-OIFIGEAR

MU AR DEIDHINN

Cò sinn?

Tha MG ALBA (Seirbheis nam Meadhanan Gàidhlig) a' ruith na seanail Ghàidhlig **BBC ALBA** ann an com-pàirteachas leis a' BhBC. Tha uallach oirnn cuideachd airson [FilmG](#), [LearnGaelic](#) agus [SpeakGaelic](#) ann an co-bhanntachd le com-pàirtichean eile.



Tha fiosrachadh cudromach mu ar n-amasan agus ar toraidhean airson na bliadhna seo ri fhaighinn nar [Plana Obrachaidh 2021/22](#).

Càite bheil sinn?

Tha sinn stèidhichte ann an Steòrnabhagh, le làthaireachd cuideachd ann an Glaschu agus Inbhir Nis

Ar Luchd-obrach & Am Bòrd

Tha 44 [neach-obrach](#) againn, le [Bòrd](#) de 9.

Ar n-Àrainneachd Obrach

Thathas ag obair le dòigh obrach firinneach, fosgailte agus eadar-obrachail. Tha guth gach neach nar sgioba a' cunntadh. Thathas a' co-roinn nas urrainn dhuinn de dh'fhiosrachadh gus am bi fios aig gach neach ciamar a tha am buidheann a' dèanamh, ciamar a tha sinn uile a' cur ri sin agus ciamar as urrainnear a bhith fiùs nas fheàrr nar n-obair.

Thathas pròiseil gun do choilean sinn barantachadh bhon taobh a-muigh bho *Broadcast Best Places to*



Work in TV airson sia bliadhna co-leantaileach, Inbhe Platinum bho *Creideas nar Cosnaichean* agus Inbhe Òir bho *Creideas nar Cosnaichean Òga*. Thathas dealasach ann a bhith a' dèanamh nas urrainn dhuinn gu bheil ar daoine fallain agus air an coimhead às an dèidh, ag obair le *Healthy Working Lives Awards* agus *We Invest in Wellbeing* bho Chreideas nar Cosnaichean gus seo a choileanadh.

Ullachaidhean Chorporra agus Shòisealta

Mar bhuidheann, thathas làn dhealasach mur Ullachaidhean Chorporra agus Shòisealta, a tha air an coileanadh ann an ioma dòigh, nam measg tro ar Poileasaidh Àrainneachd, ar Poileasaidh Fastaidh agus ann an tabhartasan seach airgead chun choimhearsnachd agus buidhnean carthannais. Thathas gu cunbhalach a' toirt seachad eòlas saor an-asgaidh agus uidheamachd gu tachartasan ionadail togail airgid, dannsan carthannais, farpaisean cheist, cuirmean dhuaisean agus bithear cuideachd a' toirt taic do riochdachadh bhidiothan foillseachadh carthannais, tachartasan spòrs, bùithtean-obrach cultarail agus foghlaim agus tachartasan film/Mòd.

DREUCHD OIFIGEAR CONALTRaidH CORPORA

Cùl-fhiosrachadh

Tha na meadhanan Gàidhlig, coltach ri gach meadhan eile, a' dol tro atharrachadh brìgheil. Tha seo an dà chuid dùbhlach agus brosnachail.

Is e cothrom inntinneach a tha seo do phroifeasantach margaidheachd/tachartasan aig a bheil eòlas a a thighinn cuide ris an Sgioba Conaltraidh aig MG ALBA ann an dreuchd Oifigear Conaltraidh Corporra. Stèidhichte taobh a-staigh ar n-oifis ann an Steòrnabhagh, cuiridh an neach gu mòr ri libhrigeadh ro-innleachd conaltraidh corporra còmhla ris an Stiùiriche Ro-innleachd & Chùisean Taoibh A-Muigh agus a' toirt taic don Àrd-Oifigear, Sgioba Àrd-stiùiridh MG ALBA, Bòrd MG ALBA agus thar sgiobaidhean MG ALBA san fharsaingeachd.

Daoine

Bidh na prìomh feartan a leanas aig an tagraiche freagarrach againn:

- Teisteanasan agus/no eòlas iomchaidh anns na meadhanan no conaltradh
- Deònach a bhith mar phàirt de sgioba thrang agus làn spionnadh
- Sàr-sgilean eadar-phearsanta agus conaltraidh
- A bhith brosnachta agus fèin-thòiseachaidh
- Sgilean buaidh agus anailiseach làidir
- Deònach a bhith a' gealltainn ri ionnsachadh san obair, le taic bho leasachadh proifeasanta agus teisteanasan taobh a-muigh

An dreuchd

Bidh an Oifigear Conaltraidh Corporra cunntachail don Stiùiriche Ro-innleachd & Chùisean Taoibh A-Muigh. Am measg prìomh eileamaidean na dreuchd tha:

- Stiùirich agus, còmhla ris an Stiùiriche Ro-innleachd & Chùisean Taoibh A-Muigh, co-obraichean agus com-pàirtichean, an ro-innleachd conaltraidh corporra a chuir an sàs
- Taic roinneil don Stiùiriche Ro-innleachd & Chùisean Taoibh A-Muigh
- Co-òrdanachadh agus dèanamh cinnteach gun tèid stuthan sanasachd nam meadhanan Gàidhlig a libhrigeadh mar a bhios iomchaidh
- Cruthaich stuthan sgrìobhte aig àrd ìre airson an lìon, meadhanan sòisealta, clò-bhualadh, Aithisg Bhliadhnail is msaa
- Ag ullachadh thaisbeanaidhean agus brathan-ullachaidh airson an t-Àrd-Oifigear agus stiùirichean
- Tog lìonra torach de luchd-ceangail, a' cruthachadh chothroman tric dhaibh fhèin, don Àrd-Oifigear agus/no do stiùirichean a dhol an sàs le luchd-buaidh bhon taobh a-muigh
- Libhrigeadh aithisgean adhartais mìosail mu choinneamh amasan aontaichte
- Cruthaich/stiùirich fuasgladh bathar-bog èifeachdach airson manaidseadh dhàimhean
- Ùraich agus cuir fèin-ghluasad air siostaman conaltraidh a th' ann an-dràsta
- Gabhail os làimh conaltradh luchd-ùidh le sgoiltean, oileanaich agus luchd-tadhail MG ALBA.
- Co-òrdanachadh pròiseactan ro-innleachdail airson MG ALBA far am bi feum

Ar Luachan

'S iad na luachan againn na prìomh phrionnsabalan a bhios a' stiùireadh ar n-obrach. Tha iad a' sònrachadh nam prìomhachasan againn agus tha iad mar bhun-stèidh anns gach rud a nì sinn.

Cruthachalachd

- Tha sinn a' comasachadh cruthachadh sàr-shusbaint Ghàidhlig

Luchd-amhairc

- Tha sinn air ar fiosrachadh agus air ar brosnachadh le ar luchd-amhairc

Àrd-amas

- Tha sinn ag amas air agus a' libhrigeadh sàr-mhathas

Co-bhanntachd

- Tha sinn a' coileanadh tro cho-obrachadh

Spèis

- Tha sinn ag èisteachd; tha sinn a' brosnachadh; tha sinn cothromach

FIOSRACHADH TAGRAIDH

Prìomh Chinn-là

Tagraidhean fosgladh	22 Màrt 2022
Deit dùnaidh	4 Giblean 2022, 12f
Agallamhan	19 Giblean 2022

Pròiseas Taghaidh

Tha am pròiseas taghaidh air a chur a-mach ann am [Poileasaidh Fastaigh MG ALBA](#).

Pannal Taghaidh

Stiùiriche Ro-innleachd & Chùisean Taoibh A-Muigh, Leas-Choimiseanair (Didseatach) le taic bhon Chomhairliche HR.

Sgrùdadh Co-ionannachd Chothroman

Tha sinn nar fastaichean co-ionannachd chothroman agus bithear a' cumail sgrùdadh air dàta fastaidh. Cuiribh crìoch air an fhoirm an cois seo, a tha a rèir reachdas GDPR.

Tagraichean Ciorramach

Cuirear fàilte air tagraidhean bho dhaoine ciorramach agus tha sinn a' gabhail pàirt san Sgeama Agallamh Barantas Obrach airson tagraichean a tha air iad fhèin a mheasadh mar chiorramach agus a tha a' coileanadh nan slatan-tomhais aig an ìre as ìsle airson dreuchd bhàn.

Rèitearan

Thèid fios a chur gu dà rèitire nuair a thèid gabhail ri tairgse obrach cumhach. Cha tèid fios a chur gu rèitire gun ur cead.

Dàimh le Ball Bùird / Oifigear / Strì eadar Chom-pàirtean

Bu chòir dàimhean le buill bùird no luchd-obrach, no strì chom-pàirtean ann an dà-riribh na dh'fhaodadh a bhith air fhaicinn mar strì chom-pàirtean a chur am follais san tagradh.

GDPR

Thèid dàta pearsanta taobh a-staigh ur tagradh a phròiseasadh, a chumail agus a chur ann an tasglann/cur às dheth a rèir [Sanas Priobhaideachd MG ALBA](#).

GEÀRR-IOMRADH AIR TEIRMEAN IS CUMHAICHEAN NA H-OBACH

Ìre	C1
Tuarastal	£26,795-£30,848 gach bliadhna
Fòrladh bliadhnail	25 là + 12 saor-làithean poblach
Peinnsean	Sgeama Peinnsein Tabhartas Sònraichte, cuiridh MG ALBA 10% den tuarastal bliadhnail, a' dol suas gu 15% ma chuireas an neach-obrach tabhartas de 5% ris
Bàs ann an Seirbheis	4 x Tuarastal Bliadhnail
Sochairean Eile	Gus dòigh beatha fhallain a bhrosnachadh thathas a' tairgse ballrachd <i>gym</i> . Tha dòighean-obrach math teaghlaich agus sùbailte againn agus thathas a' tairgse sgeama rothaireachd.

Sgeama Pàigheadh Tinneis

Seirbheis suas gu dà bhliadhna	Làn-pàigheadh 1-mhìos agus leth-pàigheadh 1 mhìos, ann an aon bhliadhna
An-dèidh seirbheis 2 bhliadhna	Làn-pàigheadh 2-mhìos/leth-pàigheadh 2 mhìos, ann an aon bhliadhna
An dèidh seirbheis 3 gu 4 bliadhna	Làn-pàigheadh 3-mìosan/leth-pàigheadh 3 mìosan, ann an aon bhliadhna
An-dèidh seirbheis 5 bliadhna	Làn-pàigheadh 4-mìosan/leth-pàigheadh 4 mìosan, ann an aon bhliadhna

Ionnsachadh & Leasachadh

Tha e riatanach gum bi plana Ionnsachaidh agus Leasachaidh aig gach neach-obrach a ni comasach dhaibh fàs nas èifeachdaich nan obair agus na h-amasan bliadhnail obrach aca a choileanadh. Thathas a' brosnachadh teisteanasan proifeasanta.

Gàidhlig

Is e a' Ghàidhlig cànan obrach MG ALBA. Feumaidh an dreuchd seo ìre làidir de chomas sa chànan. Thèid taic a thoirt do gach tagraiche a tha airson tuilleadh leasachaidh a dhèanamh air a' cheangal aca ris a' Ghàidhlig.

Tuilleadh Fiosrachaidh

Airson còmhradh neo-fhoirmeil mu pìos sam bith den obair, cuiribh fios gu hr@mgalba.com agus thèid àm freagarrach a chur air dòigh airson còmhradh.

DEALBH-OBACH

Tìotal-obrach	Oifigear Conaltraidh Corporra	Ìre	C1	Uaireannan Seachdainneach	37
Stèidhichte	Steòrnabhagh	£26,795- £30,848			
Amas	Taic a thoirt do libhrigeadh èifeachdach air Ro-innleachd Conaltraidh Corporra MG ALBA.				
Cunntachail do	Stiùiriche Ro-innleachd & Chùisean Taoibh A-Muigh				
Le uallach airson	<ul style="list-style-type: none"> • A' toirt taic do libhrigeadh ro-innleachd conaltraidh corporra a' gabhail a-steach: <ul style="list-style-type: none"> ○ Na Meadhanan agus PR Corporra a' gabhail a-steach conaltradh leis na meadhanan ○ Planadh thachartasan ○ Stiùireadh agus conaltradh luchd-ùidh ○ Ceangal coimhearsnachd 1. Co-òrdanachadh tachartasan, iomairtean, pròiseactan agus ro-innleachdan MG ALBA airson adhbharan co-cheangailte ri conaltradh. 2. Taic roinneil don Stiùiriche Ro-innleachd & Chùisean Taoibh A-Muigh 3. Co-òrdanachadh phròiseactan airson pròiseactan ro-innleachdail MG ALBA 4. A' cumail sùil thairis air innealan conaltraidh corporra, a' gabhail a-steach làrach-lìn MG ALBA, ùrlaran meadhanan sòisealta, bathar-bog stiùireadh dàimh agus pasganan dealbhaidh corporra. 				
Dàimhean obrach	<p>Bidh an neach a' toirt taic don Stiùiriche Ro-innleachd & Chùisean Taoibh A-Muigh</p> <p>Bidh dàimhean neo-dhìreach aca leis an Àrd-Oifigear, Sgioba Àrd-stiùiridh MG ALBA, Bòrd MG ALBA agus thar sgiobaidhean MG ALBA san fharsaingeachd.</p> <p>Feumaidh sàr-dhàimhean obrach a bhith aig an neach san dreuchd le luchd-ùidh MG ALBA agus com-pàirtichean thachartasan is iomairt bhon taobh a-muigh a thuilleadh air ceanglaichean nas fharsainghe sa ghnìomhachas.</p> <p>Far a bheil e iomchaidh, feumaidh an neach-dreuchd obrachadh gu h-èifeachdach le buidhnean bhon taobh a-muigh gus libhrigeadh phròiseactan a dhèanamh nas fhasa.</p>				
Prìomh Thoraidhean	<p>Neach-dreuchd:</p> <ul style="list-style-type: none"> • a' dèanamh cinnteach gun tèid an Ro-innleachd Conaltraidh Corporra a libhrigeadh, a rèir Lèirsinn: Mapa Slighe airson nam Meadhanan Gàidhlig, gus iomhaigh na buidhne agus ar pròiseactan, builean agus àrd-amasan àrdachadh tro thachartasan, stuthan sanasachd agus conaltradh le luchd-ùidh. • a' dèanamh cinnteach gu bheil conaltradh MG ALBA leis an luchd-ùidh air fad ann an deagh àm, aig ìre àrd gu cunbhalach agus a rèir luachan na buidhne; • Bheir an neach san dreuchd taic pròiseict is iomairt Stiùiriche Ro-innleachd & Chùisean Taoibh A-Muigh • A' cumail agus a' leasachadh buaidh na buidhne mar iomairt mheadhanan a tha dealasach a thaobh leasachadh àrd-amasach agus ro-innleachdail air na meadhanan Gàidhlig agus mar bhuidheann Gàidhlig a tha a' cur ri ath-bheothachadh na Gàidhlig; • a' dèanamh cinnteach gu bheil buidhnean, com-pàirtichean, coimhearsnachdan agus daoine fa leth a' co-roinn sgeulachdan soirbheachais agus a' togail lionraidhean èifeachdach de churaidhean agus luchd-taic air feadh na dùthcha agus thar bhuidhnean; 				
Prìomh gnìomhan	<ul style="list-style-type: none"> • Stiùirich agus, còmhla ris an Stiùiriche Ro-innleachd & Chùisean Taoibh A-Muigh, co-obraichean agus com-pàirtichean, an ro-innleachd conaltraidh corporra a chuir an sàs • Taic roinneil don Stiùiriche Ro-innleachd & Chùisean Taoibh A-Muigh • Co-òrdanachadh agus dèanamh cinnteach gun tèid stuthan sanasachd nam meadhanan Gàidhlig a libhrigeadh mar a bhios iomchaidh • Cruthaich stuthan sgrìobhte aig àrd ìre airson an lion, meadhanan sòisealta, clò-bhualadh, Aithisg Bhliadhnail is msaa • Ag ullachadh thaisbeanaidhean agus brathan-ullachaidh airson an t-Àrd-Oifigear agus stiùirichean 				

	<ul style="list-style-type: none"> • Tog lionra torach de luchd-ceangail, a' cruthachadh chothroman tric dhaibh fhèin, don Àrd-Oifigear agus/no do stiùirichean a dhol an sàs le luchd-buaidh bhon taobh a-muigh • Lìbhrigeadh aithisgean adhartais mìosail mu choinneamh amasan aontaichte • Cruthaich/stiùirich fuasgladh bathar-bog èifeachdach airson manaidsèadh dhàimhean • Ùraich agus cuir fèin-ghluasad air siostaman conaltraidh a th' ann an-dràsta • Gabhail os làimh conaltradh luchd-ùidh le sgoiltean, oileanaich agus luchd-tadhail MG ALBA. Co-òrdanachadh pròiseactan ro-innleachdail airson MG ALBA far am bi feum
Riosg	<ul style="list-style-type: none"> • Fo Mhodail Riaghladh Cunnairt MG ALBA, thathas a' faicinn cunnart mar rud a tha a' buntainn ris a h-uile duine. • Mar sin, tha uallach air gach neach-dreuchd beachdachadh air cunnart an-còmhnaidh, a' toirt a-steach uallach a bhith ag aithris/a' beachdachadh air cunnartan, cunnartan a dh'fhaodadh nochdadh, maothachadh cunnairt agus/no cùisean don Mhanaidsear Loidhne aca no do bhuill Buidheann Riosg Corporra. • Bidh na Clàran Riosg mìosail as ùire rim faicinn air SharePoint agus thathas a' brosnachadh luchd-dreuchd iad sin a leughadh gu cunbhalach. • Bu chòir do gach neach-dreuchd a bhith deònach beachdachadh air cunnart aig measaidhean luchd-obrach agus/no amannan còmhraidh obrach
Sgilean bunaiteach	<p>Tha cuideigin le sealladh deimhinneach a thaobh obair le fòcas air sgilean agus a bhith ag obair ann an sgioba riatanach airson soirbheas an dreuchd seo. Sgilean riatanach eile:</p> <ul style="list-style-type: none"> • Teisteanasan iomchaidh agus / no eòlas sna meadhanan no conaltradh • Fileantas ann a bhith a' bruidhinn Gàidhlig • Cothrom a bhith ag obair gu sùbailte agus siubhal gu cunbhalach gu tachartasan • Sgilean IT làidir agus comas ann an cleachdadh làn shreath de thagraidhean MS Office. Bhiodh eòlas air Wordpress agus Canva miannaichte • Comasach air an ùine agad fhèin a riaghladh agus deagh bhreithneachadh a chleachdadh ann a bhith a' dèanamh prìomhachas a rèir èiginn is prìomhachas; • Cluicheadair sgioba làidir, comasach air a bhith ag obair ann an co-chomhairle ri daoine thar sgiobaidhean • Sàr sgilean rianachd agus planaigh; • Ìre àrd de dhealas airson leasachadh pearsanta is proifeasanta.
Fad na h-obrach	Maireannach